

## Saksutredning:

### VR-sak 17/14: OPPFØLGING AV MARIN STRATEGI FOR VESTLANDET

---

Trykte vedlegg:

Utrykte vedlegg:

---

#### Bakgrunn

Vestlandsrådet vedtok tysdag 3. desember i sak 26/13 «Marin Strategi for Vestlandet», ein strategi for «Vestlandsrådet sitt engasjement for marin sektor og sjømatnæringa 2014-2020».

Den overordna målsetjinga i strategien er «*Ei marin klynge i verdsklasse*», følgd opp av fire delmål.

1. Samferdsle og kunnskapsbasert forvaltning
2. Forsking
3. Marin rekruttering og kompetanse
4. Internasjonalisering og marknadsorientering

Vidare er det lista opp to til fire prioriterte innsatsområde innanfor dei ulike delmåla.

#### Oppfølging

For å operasjonalisere og oppnå målsettingane i strategien bør det prioriterast nokon handlingspunkt ev. skissere tiltak som kan medverke til å løyse utfordringane som er skildra i strategien. Tiltak som ikkje kan løysast innan dei einskilde fylka aleine bør prioriterast, og aktiviteten bør fokuserast om ein til to aktivitetar i året.

Sidan Vestlandsrådet åleine har avgrensa økonomiske og menneskelege ressursar kan ein tenke seg fleire løysingar for oppfølging av strategien, avhengig av kva aktivitetsnivå politikarane i Vestlandsrådet ynskjer å legge opp til.

1. Saker eller innspel på tema som er omtalt i strategien vert handsama av Vestlandsrådet når dei dukkar opp. Dette er ei passiv tilnærming, og krev få ressursar frå sekretariatet.
2. Hovudansvaret for oppfølging av «Marin Strategi for Vestlandet» vert delegert til:
  - a) Ekstern fasilitator
  - b) Fylkeskommunane

# Vestlandsrådet

c) Ein kombinasjon av a) og b).

a) I AU - sak 14/13 frå Vestlandsrådet og partnerskap vart det gjort følgjande vedtak:

- I tillegg til samarbeidet med Næringsforum Vest tas det kontakt med Fiskeriforum Vest og Maritimt Forum med hensikt å opprette et samarbeid.
- Det tas kontakt med FoU-miljøene på Vestlandet med målsetting å utvikle et samarbeid med Vestlandsrådet.

Bakgrunnen for vedtaket var eit ynskje om å samarbeide med fagorganisasjonar som dekker heile Vestlandet innan viktige saksfelt. Marin vart her peika ut som eit viktig saksfelt, og *Fiskeriforum Vest* vart dratt fram som ein samarbeidspartnar innan det marine feltet

b) Fylkeskommunen vert ein part i oppfølginga av strategien. Dette krev at fylkeskommunen set av ressursar, i hovudsak i form av rådgjevarapparatet, som jobbar fram ein handlingsplan og som i etterkant kan jobbe med ei eller fleire tiltak som vert teke opp i strategien. Her visast det til vedtak gjort i næringsgruppa 24. juni 2011, sak 13/2011:

- Det etableres et samarbeid om marin sektor mellom fylkene på Vestlandet. Samarbeidet benevnes «Vestlandssamarbeidet – marin satsing». <sup>1</sup> Tema for samarbeidet er: sjømat, fiskeri, bioteknologi og havbruk.
- Det forutsettes at samarbeidet også løfter frem næringspolitiske saker som kan bidra til politikktutforming innen marin sektor.

c) Fylkeskommunen vert ein part i oppfølginga av strategien i lag med ein ekstern fasilitator.

## Vurdering

Ei passiv tilnærming jf. alternativ 1 vil i liten grad bidra til å løfte fram og underbygge marin sektor og sjømat for Vestlandet. Dette underbygger arbeidet med den marine strategien, og ei aktiv tilnærming av «Marin Strategi for Vestlandet» vert vurdert som den mest hensiktsmessige.

Det er fleire måtar å gjennomføre ei aktiv tilnærming av strategien. Vestlandsrådet kan bl.a. leggje oppfølginga av den marine strategien til eksternt fagmiljø, jf. alternativ 2 a). Alternativet betyr at det må setjast av midlar til lønning av eksternt fagmiljø, i tillegg til at det må bereknast kostnader til utføring av tiltak.

---

<sup>1</sup> VestMarin

# Vestlandsrådet

Fylkeskommunane treng ikkje involverast i stor grad om ein vel denne tilnærminga. For Vestlandsrådet vil bruk av eksternt prosjektleiar til oppfølging av «Marin Strategi for Vestlandet» bety at det må setjast av midlar til lønning av eksternt fagmiljø. Kostnader er estimert til NOK 150-250 000,- per år.

Alternativ 2 b) skisserer ei løysing der fylkeskommunane aleine tek ansvaret med oppfølginga av strategien. Dette ut frå at det bl.a. vert vurdert som viktig at strategien vert forankra i gjeldande regionale styringsdokument/verdskapingsplanar så langt det lar seg gjere. Samtidig vert det vurdert som viktig at fylkeskommunane tek eigarskap til strategien, i regi av strategien er vedtake og forankra i samarbeidsrådet mellom Vestlandsfylka, Vestlandsrådet. Dette alternativet krev at det vert sett av tilstrekkeleg med personalressursar frå fylkeskommunane.

Eit fjerde alternativ, 2c), er ein kombinasjon av alternativa 2a) og 2b). I dette alternativet må fylkeskommunen engasjere seg i arbeidet med strategien, samtidig som det ved behov vert engasjert eksternt miljø til utføring av tenester (t.d. bestilling av rapportar og liknande). Dette vil truleg bety at fylkeskommunen kan bruke litt mindre personalressursar enn i alternativ 2b).

Det vert vurdert som viktig at fylkeskommunen til ei viss grad vert engasjert i gjennomføringa av den marine strategien til Vestlandsrådet. For fylkeskommunen betyr denne løysinga at det må setjast av tid til å jobbe med konkrete handlingspunkt/tiltak. Det vert også vurdert som viktig at det i særskilde tilfelle kan nyttast eksterne miljø eller løyvingar til utføring av utreiingar, t.d. bestilling av rapportar og liknande. Dette kan verte ein ekstrakostnad som enten Vestlandsrådet eller fylkeskommunen må handsame fortløpande ved behov. Vestlandsrådet har sett av NOK 200 000,- til oppfølging av marine prosjekt i 2014.

«Marin strategi for Vestlandet» involverer fleire sektorar innan fylkeskommunane sit verkeområde, bl.a. FoU, samferdsle, internasjonal, utdanning og marin. Det er viktig at alle sektorane vert involvert i oppfølginga av strategien, og næringssjefkollegiet bør derfor ha det operative ansvaret for koordinering og informasjonsutveksling mellom sektorar. Samtidig er dette ein marin strategi, og det marine rådgjevarapparatet i fylkeskommunane bør derfor koplast på i oppfølginga av sjølve strategien uavhengig av sektor.

For marin sektor er det allereie etablert eit fylkesovergripande samarbeid, «Vestlandssamarbeidet – marin sektor» (VestMarin). Arbeidsgruppa i VestMarin består av det marine rådgjevarapparatet i dei fire fylkeskommunane, i tillegg til ein representant frå FHL og ein frå Innovasjon Norge. Styringsgruppa i VestMarin er næringssjefane. Det vert vurdert som naturleg at «Marin Strategi for Vestlandet»

# Vestlandsrådet

vert koordinert med oppgåvene til denne gruppa, som for øvrig utarbeida den marine strategien for Vestlandsrådet.

Vestlandsrådet gjeve signal om at det er ynskje om å jobbe med: «Akvakulturkompetanse på Vestlandet» og «Kystressursforvaltning – marin verdiskaping». Dette fell saman med delmål 3 Marin rekruttering og kompetanse, og delmål 1 Samferdsle og kunnskapsbasert forvaltning» i den marine strategien.

## Konklusjon

Deler av «Marin Strategi for Vestlandet» vert implementert i handlingsplanen til VestMarin. Det skal jobbast med eitt eller to handlingspunkt/tiltak per år. Ved behov kan det brukast eksterne miljø til utføring av utreiingar t.d. bestilling av rapportar og liknande. Dette er ein ekstrakostnad som enten Vestlandsrådet eller fylkeskommunen handsamar spesielt i kvart tilfelle.

For 2014 vert følgjande tema prioritert:

1. «Akvakulturkompetanse på Vestlandet»:
  - Tilrettelegging av «Y-vegen»<sup>ii</sup> og andre studieløp for marine kandidatar på fleire høgskular på Vestlandet og i Noreg
  - Tidsperiode 2 år
2. «Kystressurforvaltning – marin verdiskaping»:
  - Oppfølging av sak om Kyst-Mareano jf. vedtak i Vestlandsrådet 19. mai, sak 10/14 Kartlegging av kystsona i Noreg – Kyst-Mareano Tidsperiode ut 2014.

## Forslag til vedtak:

Deler av «Marin Strategi for Vestlandet» vert implementert i handlingsplanen til VestMarin. Det skal jobbast med eitt eller to handlingspunkt/tiltak per år. Ved behov kan det brukast eksterne miljø til utføring av utreiingar t.d. bestilling av rapportar og liknande. Dette er ein ekstrakostnad som enten Vestlandsrådet eller fylkeskommunen handsamar spesielt i kvart tilfelle.

For 2014 vert følgjande tema prioritert:

---

<sup>ii</sup> Y-vegen er moglegheita for opptak til studiar på universitet- og høgskular for studentar utan generell studiekompetanse eller forkurs, føresat relevant fagbrev, svennebrev eller yrkeskompetanse frå vidaregåande skule. Det er per i dag er det berre Universitetet i Nordland (studie Havbruksdrift og leining) og Høgskolen i Ålesund (studie Biomarin innovasjon) som tilbyr denne typen opptak for marine fag.

# Vestlandsrådet

1. «Akvakulturkompetanse på Vestlandet»:
  - Tilrettelegging av «Y-vegen»<sup>iii</sup> og andre studieløp for marine kandidatar på fleire høgskular på Vestlandet og i Noreg
  - Tidsperiode 2 år
2. «Kystressurforvaltning – marin verdiskaping»:
  - Oppfølging av sak om Kyst-Mareano jf. vedtak i Vestlandsrådet 19. mai, sak 10/14 Kartlegging av kystsona i Noreg – Kyst-Mareano
  - Fortsetter i 2015
3. Vestlandsrådet er innstilt på å bidra med prosjektmidlar for å finansiere utgreiingar og rapportar.

Ottar Brage Guttelvik  
Fylkesrådmann

Odd Erik Hansgaard  
sekretariatsleder

*Dette dokumentet er godkjent elektronisk og har derfor ingen signatur.*

---

<sup>iii</sup> Y-vegen er moglegheita for opptak til studiar på universitet- og høgskular for studentar utan generell studiekompetanse eller forkurs, føresat relevant fagbrev, svennebrev eller yrkeskompetanse frå vidaregåande skule. Det er per i dag er det berre Universitetet i Nordland (studie Havbruksdrift og leining) og Høgskolen i Ålesund (studie Biomarin innovasjon) som tilbyr denne typen opptak for marine fag.